



## **Universitätsbibliothek Paderborn**

**M. Fabii Quintiliani Institutionum Oratoriarum Libri  
Duodecim**

Summa diligentia ad fidem vetustissimorum codicum recogniti ac restituti

**Quintilianus, Marcus Fabius  
Lugd. Batav. ; Roterodami, 1665**

Prologus.

**urn:nbn:de:hbz:466:1-12945**

INSTITUTIONE ORATORIA  
LIBER QUINTUS.

## PROLOGUS.

**F**uerunt, & clari quidem autores quibus solum videretur oratoris officium, docere. Namque & affectus duplice ratione excludendos putabant: <sup>2</sup> primi, quia vitium esset omnis animi perturbatio: deinde quia judicem à veritate depelli misericordia, vel ira, similibusque, non oporteret, & voluntatem audientium petere, cum vincendi tantum gratia diceretur, non modo agenti supervacuam, sed vix etiam viro dignum arbitrabantur. <sup>3</sup> Plures vero, qui nec ab illis sine dubio partibus rationem orandi suminoverent, hoc tamen proprium atque præcipuum crederent opus, sua confirmare, & quæ ex adverso proponerentur, refutare. Utruncunque est (nec enim hoc loco meam interpono sententiam) hic erit liber illorum opinione maxime necessarius, quo toto <sup>4</sup> hæc sola tractantur: quibus sane & ea quæ *de judicialibus causis* jam dicta sunt, serviunt. Nam neque *proœmii*, neque

**I**n iuglo docet per necessariam esse oratoribus probationem: quæ in duas dividitur partes, confirmationem & refutationem, demum ex Aristotelis sententia probationes dividit in artificiales & inartificiales. Turneb.

**I** Fuerunt & clari.] Inter quos potissimum est Arist. i. rhetor. cum ait, Αριστολὴν γένεται εἰπεῖν, καὶ ὅργη, καὶ τὸ ζιωτικόν πάθη τὸ φυχῆς, καὶ τοῦτο τὸ προφύτευτον εἶναι, ἀλλὰ προς τὸ διηγεῖτον, & cætera quæ seq. de his plura lib. 6. cap. 1. Idem.

<sup>2</sup> *Primum quia vitium.*] Per multo principes Stoicorum de rhetorica scripsierunt, ut Zeno & Chrisippus. porro Stoici affectus animi morbos existimant, ideoque illos excludunt. Idem.

<sup>3</sup> *Plures vero.*] Alii tria quidem ponunt officia, sed præcipuum existimant docere. cui pene opinioni astipulatur Agricola, cum ait orationis esse munus proprium docere, accessiones vero esse deletere & morvere. Idem.

<sup>4</sup> *Hæc sola tractantur.*] Confirmandi sua, aliena refutandi ratio. Pith.

<sup>1</sup> Ejus-

neque *narrationis* est aliud usus, quam ut judicem præparent: & status nosse, atque ea de quibus supra scripsimus, intueri, supervacuum foret, nisi ad hanc perveniremus. Denique ex quinque quas judicialis materiæ fecimus partibus, quæcunque alia potest aliquando necessaria causæ non esse: lis nulla est cui probatione opus non sit. <sup>1</sup> Ejus præcepta sic optime divisuri videmur, ut prius in communione quæ ad omnes quæstiones pertinent, ostendamus: deinde quæ in quoque causæ genere propria sunt, exequamur.

<sup>1</sup> *Eiusque præcepta.*] Duplices sunt loci: quidam enim *topicī* appellantur, ac *communes* sunt: ab iis enim in quæcunque quæstionem probationes duci possunt: alii *proprii* sunt *causarum* & *quætionum*, suntque *particulares*, ac

fluunt à superioribus. sic Fab. lib. 3. locos generis *deliberativi* & *demonstrativi* est complexus: & lib. 7. locos *statuum* exequitur. Eadem divisio est apud Cic. in *Top.* & *Partit.* in locos *internos* seu *infios*, & *externos* sive *assumptos*. Turn.

## C A P. I.

## De probationum divisione.

**A**C prima quidem illa partitio ab <sup>1</sup> Aristotele tradita, <sup>1</sup> consensum fere omnium meruit, alias esse <sup>2</sup> *probationes* quas <sup>3</sup> extra dicendi rationem acciperet orator: alias quas ex causa traheret ipse, & quodammodo gigneret. Ideoque illas *artificiales*, id est *inartificiales*: has *criticas*, id est <sup>4</sup> *artificiales*,

<sup>1</sup> *Aristotele.*] Rhetoric. I.

<sup>2</sup> *Probationes.*] *Probationes* sunt Aristoteli vel *artificiales* vel *inartificiales*. *inartificiales* autem tractat omnes Fab. Cæterum cum Arist. divisisset *artificiales* in *ethicas*, *logicas*, & *patheticas*, tantum de *logicis* hoc libro Fab. agit, reliquias autem persequetur libro sexto, cum ager de *conclusione*. Idem Cic. 2. de *Orat.* Ad probandum autem duplex est oratori subjecta materies: una rerum earum quæ non excogitantur ab oratore, sed in re proposita, ratione tractantur, ut *tabulae*, *testimonia*, *pacta*, *conventa*, *quæstiones*, *leges*, *senatus consulta*, *res judicatae*, *decreta*, *responsa*, & reliqua si quæ sint quæ non ab oratore pariuntur, sed

ad oratorem à causa atque à reis differuntur. Altera est, quæ tota in *disputatione* & *argumentatione* oratoris collata est, &c. quæ seq. Idem & in *Top.* Sed ex his locis in quibus argumenta inclusa sunt, alii in eo ipso de quo agitur, hærent: alii assumuntur extrinsecus. Turneb.

<sup>3</sup> *Extra dicendi rationem.*] Id est, extra artem. vide initium cap. 8. quæ non inveniuntur ab Oratore, sed ad eum cum ipsa causa deferuntur. Pith.

<sup>4</sup> *Artificiales.*] *Artificialis probatio* & *inventionem* & *tractationem* habet *artificiale*, *inartificiale* vero *inventionem* quidem habet *inartificiale*, cæterum *tractationem* *artificiosam*. igitur

hxc